

Нови Сад, 26 Јануара 1939 год.

Редакція и Администрація
Нови Сад, Владически Двор

Предплата на рок:

Югославія б дин.
Подкарпатська Русь 8 Кч.
Америка 0,50 дол.

Виходзи кожди други мешац
Цена єдного числа 1 динар.

ПРАВОСЛАВНИ ВИСТНИК

ОРГАН ЮГОСЛАВЯНСКИХ РУСИНОХ

Благословеніем Преосвященнѣйшаго епископа бачкого Др. Иринея

Читательом Православного Висника

Як редактор сцел бим даскельо слова напомнуц читательюм нашей єдиней чисто вирской новинки за югославянских Русинох. Велі ше и зос писом питали, же кеди видзе новинка. Велі предложели да виходзи и частейше як каждый 2 мешаці. Велі указали добру волю и такой перши рок уплацели цалу членарину. Перши рок и точно виходзела новинка бо була крашнє ушорена и зос красними сликами. Но други рок кус спорше виходзела новинка, пре материјлни причини. Редакция нeshмела задлужиц та и новинка

ишла лъем теди, кед будо пенежи за штампу. Але Православни Вистник ма будучносц и могла бы виходзиц заш редовно без прерви, кед би читателе уплацели членарину за цали рок. Понеже новинка нema свой чековни рачун, то би найлепши систем уплаценя претплати бул таки, же да ше вименованим и овласценим особом повереником такой однеше предплата, а вони да пошлю вец шицок пенеж по єдней упутници на Редакцию односно редактора о. Виславскаго.

Даби сце знали дакус о Православним Вистнику опширнѣше, то вам дам єден кратки приказ.

Откеди почал виходзиц *Православни Вистник*, зос чисто вирскими статями, указало ше же роботнїци и дописници барз добре провадзели вирски живот и догоди яки ше збили и яки требало и обявиц у новинкох. Як редактор, мушим повесц же велі ствари нemогли буц штампани, бо були барз оштри, а циль би була наша, да стварносц винешеме реално и благо, да то послужи на примир и поуку.

Православни Вистник, хвала Богу, нашол медzi народом веліх приятельох, так же *Православни Вистник* рошати по сліду ющих валалох: Нови Сад, Вуковар, Кула, Загреб, Мединци, Турия, Брчко, Београд, Бодяни, Коцур, Руски Керестур, Миклошевци, Петровци, Господїнци, Петроварадин, Гуня, Райово Село, Србобран, Суботица, Бачко

Петрово село, Нови Вербас, Стари Вербас, Винковци, Битољ, Ириг, Обилић, Маринци, Нова Дубрава, Хрвачани, Роковци, Дальски Рит, Шид, Митровица, Пишкоревци, Бачки Петровац, Кисач (то беру Словаци), Шабац, Љубљана, Сомбор, Бечей, и колонїи Сириг и Темерин.

Осим Русинох читаю Православни Вистник и Серби и Словаци, а нарочито тоти Серби до знаю руски, а велі були за време войны у Галицї та знаю и розумя. Осим того Православни Вистник роширенi и поза гранїци нашей держави. Так Православни Вистник идзе до Подкарпатской Руси до тих селож ~~селож~~ Хуст, Дубина, Колинко, Клячаново, Королево, Мукачово и Ужгород (тераз спадаю под Мадярску). Православни Вистник читаю нашо браца и у Америки. Там Православни Вистник идзе до: Нью-Йорку, Чикага, Акрону, Fairport-Harbor-и, Клевеланду и Питсбургу.

Найнинтересантнейши читатель Православного Вистнику єрменски епископ Йоан у Багдаду (Месопотамия), котри бул того року у Коцуре на церковней слави, та ше предплацел на Православни Вистник. Тот епископ ~~зна~~ совершено по руски бешедовац як до то Коцурци чули на Кирбай, Кажде число нашого Православного Вистника пратя прави приятелє св. Православля. Медзি тима и само Його Св. Патриарх Гаврїл, Його Високопреосвященство Др Ириней, Преосвящени епископ Симеон, Його Преосвященство Митрополит Доситеj, Преосвящени епископ Викентий и велі други владикове. Православни Вистник примаю троме министрове и сам баян Дунавской бановии пан Раич.

С того видзиме же труд уложени до уредzenia новинкох, а од предплатниках зачиши и точне виходзене. Зато поволуйем шицких да чим скорей и точно виплати предплату, па и новинки буду шорово виходзиц.

Знам же шицки чекали Православни Вистник за Крачун, но того разу Православни Вистник не вишел не пре материјлни причини, але пре хороту слагача у друкарнї. Думало

ше же ше то годно постигнуц за Нови рок. Алё ше мушело и то прецерпиц, та так новинка могла у таким закашненю аж тераз висц. Зато най читателе пребача, будзе ше старац да новинка чим точнейше виходзи, алё розуми ше то шицко будзе завишиц и од предплатникох.

Можем повесд же страни предплатници були досц точни, док велі до уж давно могли дац тоти 6 дин. рочно, та и тераз заостали. Як редактор можем отворено повесц, же ми не примали пенежи за нашу новинку ні од якей организації, як цо то маю католіци. Аж теди ше мож и отворено указац, кед ше видзи же сам народ извесну ствар помага и отримуйе, а не дахто треци плаци. Ми ше куповац нє Dame. Ми новинку сами отримуєме и ушоруєме.

Наша надія най будзе, а и наш циль да ше наша єдина вирска новинка руска чим лепше укорені и редовно приноши чисто вирски вистки и поуки.

Кед будземе робиц на Божю славу и за Божю ствар, та нам и Бог поможет.

О. Янко Виславски, редактор

НОВОСТИ

У Господицюх ше дододзело того: Ёден чесни младенец (Горняков) и млађонка (Лазарова) пописали ше у уніятскаго бывшаго попа Силви, але кед ше требало винчац таих поп Грицко несцел винчац, бо гварел же су родзина. Медзитим, младенцы гварели же ше повинчаю у православней церкви кед их вон не повинча. И цо ше стало? Тот поп, цо гварел же ані сам Владика Няради тога винчане не допущуйе, кед видзел же нет шаль же тоти були у православног священика, поп Грицко ни пет ни шест, та повинчал! Та тераз людзе гуторя, же як то, же кед Владика не дозвольуйе, а поп винчал? Чудне, але правдиве, сами себе гажа прэйг носа. Новому бачикови Горнякови жичиме да и надалей будзе таки борбени и да ше нєда римской сукні спрэвадац. Напред! Таких народ треба.

У Дюрдьове паноцец грекокотолічки у церкви пляска дзеци. Так нам пишу зос Дюрдьова, же паноцов хлапец бул ище безобразнейши, та свойого невипляскал, але кудзих. Людзе барс осудзую таки поступок.

У Н. Саду ше пошвецел богослов Михал Шарик за презвітера. Його Високо-преосвященство Епископ Др. Ириней поствел нового ерея за привременого пароха до Коцуре.

До Р. Керестура, як нам являю, скоро приходзи пречасни пан о. Мікловіш за

пароха, котрого чека цали народ и бори ше за нъго, а пречасни пан о. Фірак пойдзе до Н. Саду за декана и пароха. (Лем кед зосце пойсц гевтот зос Н. Саду дагдзе — прим. ред.)

У Коцуре дожил капелан Макса вельку ганьбу од народу. Споменуты капелан замышал ше до политики и сцел заменіц свойого цимбору „Буряна“ на збору у Чобана и кед думал же дожил найвекшу славу, кед почал бешеду, народ почал кричиц: Долу паноцове, най иду до церкви. Капелан ше почал препитовац же най му дошлебодза гуториц нацо му народ одповед: Досц ши нам гуторел у церкви а терас це вецей несцеме слухац. Интересантне же капелан гварел же нам Серби браца, а у церкви віше наказує же су одпадніци и разуми ше же то народ дораз осетел и почал кричиц: Чом ши дараз то у церкви не гуторел але тераз кед треба гласац на Шваба. А капелан ше вецей не указал на збору. Зос того можеме видзиц же гоч кельо попове робя да отримаю народ у шлепидлу, народ ше ипак будзи и видзи же то не шицко правда цо уніятски попове гуторя.

У Керестуре ше не може ныхто висповедац док не однёшне цейдулку же на парохія уплацел два динари. Випатра нам же нсотула небудзе потребна споведз лем будзе треба западзіц дас триці динари и Грихи буду одпушчени. Чи то не тарговина зос виру? Чи то не Юдова робота? Най народ осудзи сам же хто одпаднік и хто запредава стару руску виру?

У Коцуре на дзень уйедињеня отримал капелан пред оншину бешеду у котрой бы мал бешедовац о единству Югославія. Но цо ше стало? У цалей бешеди капелан ше хвалел як нашо браца на Горніци достали шлебоду. И док нашо браца стукаю у мадярских цемніцох (бо подпадлі под Мадярску) за издайника капелана то шлебода. Ми хтори го познаме нам то ані не чудо бо знаме же вон зос . . . бского роду а помадярени, но опоминаме тих цо незнаю най ше го чуваю.

Капелан у Коцуре ше еще не змирел зос свою нехрыщанску роботу и гоч бы сцел да ше дахому бшвеци за його неуспех. Шицким нам познате же недавно тот капелан сцел вигнац православного богослова зос уніятскай церкви прето же вон ношел русску заставу на благодарене и понеже богослов несцел висц то го капелан тужел суду. Но богослов не осудзени, бо мал право, а капелан треба да одвітуйе пред судом за заштиту держави як да самого Краля увредзел бо несцел на одредзене време отримац благодарене. Но вон ше и терас не охабел тей роботи бо го болі же препад на збору у Коцуре, вец на першим суду, та заш ше

судзи пре заставу но як му заш випаднье то увидзиме.

Цо може запредана душа зробиц? Пред изборами видзелі людзе едну нъє розумиву появу. Уніятски капелан шейтал ше и компарел зос Швапским паноцом гоч вон найвекши процивнік папи и ані калап нє зніма пред уніятским крижом. То знал и видзел капелан а ніч му не сметало, а од наших братох православних сцека як чорт од крижа. И як тераз да ше то ростумачи, кед нє так же тот капелан нє мержи православних пре виру, але пре рускосц, бо му шмердзи рускосц.

У Мукачеву поставльени за православного владику преосвящени Владимир Раич, котри превед скоро дзевец роки у Русії як школяр на духовней Академії. Понеже нови владика Раич одлично бешедуйе по руски то нашо браца православни Русини гоч припадли под Мадярску, маю у нім велике пощешен'є. Приликом поставляня Мадяре барс крашне дочекали нового православного владику, лем да укажу и другим православним же вони приятеле православним, лем да их прицагюшицких под свою власц а вец их буду мучиц.

Зос Хусту нам явяю же ше там появел грекокатолицки бискуп зос Крижевцох и рахую же ше у шведе догодзи да яке исшесце, бо тот владика уш раз бул и вигнати отамаль. Пред войну за време Мадярской тот владика насили примушовал народ да учи по мадярски и зос мадярских книшкох и заводзовал римски обичайи до церкви. Кед ше тот владика появел на Горніци после войны, народ го зос паліцами дочекал и владика йеден час нєшмел пойсц на Горніцу, а терас заш идзе бо Його „Камарад“ Волошин запредал русскій народ Мадяром, а зос тима роби як сце и такой их прекресцел на украинцох гоч народ бул 85% за рускосц. Владика му у тим зос шицким помага там а и ту у Югославії.

У Польскей зашлепени католици потпомагани од влади паля православни церкви и муча руски православни народ и уніятски митрополит А. Шептицки, гоч наводзи руски на католицку виру, ганьби ше за таку роботу тих людзох котри ше бію до першох же их вира права, и видал посланицу против такей бездушней роботи паповых овцох. Но нажалосц ніхто го нє слуха.

Украински новини зос Керестура пишу же ше будзе судзиц Бродійови зато же сцел запредац руски народ. Питаме ше цо би требало зробиц зос Волошином кед вон уш запредал, йедну часц Мадяром, а другу „украинцом“ Швабом.

У Господинцох по одходу попа Саламона сами уніяты решели да ше нєдаю

свойому попови вецей тероризирац, але да зос православними братами жиу у миру и складносци, док видзели же од Саламоновых порадох мал вельо неприлики и чкоди. Велі людзе цо вредза як добри и чесни виявели о. Виславскому же од тераз будзе злога и поштоване гу православним та будземе у веселі жиц на миру, а и терашні священик нови ма мирну наров и випатра же ше будзе робиц по науки Христовей да ше любиме медзи собу, а нє мержиме. Най жийе злога Русинох и Сербох! Гет зос злобними попами агитаторами ненависци. (Тото дал уложиц еден уніят Рұснак).

Пошвецене богослова Михаила Шарика за диякона

Ми Русини православни зос вельику радиосцу дочекали tot дзень, кед пришли Високопреосвящени Владика Др Ириней до Вербасу да нам пошвеци нашого руского сина Михаила Шарика. Ми вербещане вельо осетели у нашим шерцох бо тераз будземе мац двох наших православных Русинох священикох. Велі народ ше зишол пред православну церкву да дочека Його Високопреосвященство. Але прави восточни обряд аж тераз видзели мойо очи, бо Владика служел и пошвецовал, а були и 8 священици, медзи хторима: прота Гавrilович, о. Лазар Вучков зос Србобрану, о. Живанов Георгий зос Жаблю, о. Янко Виславски зос Господинцох о. Кишдабронски и други. Пред святу службу Його Високопреосвященство Др. Ириней одликовал зос червеним поясом о. Лазара Вучкового. Церква так була полна народу же велі мушели вонка остац. Прекрасно шпивали богослве зоз Сримских Карловцох. После св. Служби бул полууденок, а после того Його Високопреосвященство отпутовали до своєй резиденцы до Н. Саду.

Тото ритке торжество запаметали велі Русини, бо були и уніяты гоч їм поп поставил стражу да ше мост нє преходзи. Але зос силу нє зробели ніч, бо велі людзом бул розум у православней церкви того дня.

Вербащань

Швето любови

На вельке швето любови, зос вельку побожносцу у шерцу обрачиме наши попатрунок до яшльох вифлеемских, хтори були колиска Спасителя швета.

Зос тих яшльох свитле и цепле шветло ше розишло по цалим швеце и зос того шветла родзела ше любов у наших шерцох. Тота любов, хтора не позна разлику и у чловеку

ләм человека видзи. Радує ше зос радосним, плаче зос плачущим. Нѣ завидзи богатому богатство, и подзели свой фалат зос худобним.

Слова любови проповидал Ісус Христос, хторого родзене швекткуєме нешка; безконечна любов шерца Його дала Му до устох на Голготи при вельких мукох тоти слова: „Отче отпусти им ибо не знают что творят“. Ложни пророци велько раз пробовали уничтожиц тоту моцну твердяву, хтору Сын Божій вымуровал у шерцох. Слышим еще днес ученіе фальшивих профетов, которые вместо любви ненавист проповидают, но даремно; строеніе Сына Божого ни єден чловек не розвали бо воно и од шмерци моцнейше. Од шицких мудросцох найвекша мудросц є любов.

Любов ест тото цо розвали мур медзи чловеком и чловеком. Тота любов научи настому же зме шицки створеня Божи.

Прійдз, прійдз швето любови, же би ошицела нас вселенска гвізда и наполнела шерцо нашо зос Божественою любовю. Най нестане зос шерца нашого глупа пиха, мережня; и не забудземе же яшля були колиска Спасителя швета нашого! Най черпаю надію, виру и силу слаби у дньох искушения и най не забуваю, же помедзи оружием наймоцнейше оружие є: Любов!

Р. П.

Нови священик о. Михаил Шарик

Прешлого мешаца дожили ми Русини у Новом Саду вельку радосц, бо того дня Його Високопреосвященство Владика Др. Ириней пошвецел за священика (презвитера) сина Маркового, Михаила Шарика. Того дня були велі Русини зоз Коцура, Вербасу и аж зос Винковцох у саборнай церкви владической. Медзи священиками яки служели зос Владиком бул перши наш священик о. Янко Виславски, парох у Господинцох.

Наш о. Михаил як богослов бул, барз вредни и учел ше и през вакації, так же за науку, яку други складаю за б роки, о. Михаил звершел за 4 роки. Тераз ше уписал на универзитет на теолошки факультет и у тих наукох му жичиме успиҳу.

Як богослов о. Михаил бул борбени и борел ше за руске мено и руску народносц. Шицким Русином позната борба богослова Шарика зос Максом у униятской церкви пред шицкими верниками, па аж и пред „князями людскими“ бировом Буилом и бележником и ешкутами. Як богослов приредзовал забави зос поучну содержину.

Нови священик о. Михаил Шарик пошвецени од Його Високопреосвященства за пароха до Коцура, а так и за оконни места

як: Р. Керестур, Торжу и Вербас. О Янко Виславски придал должностц од коцурской парохи о. Михаилу Шарику.

Новому священику о. Михаилу Шарику жичиме велько успиҳу у його мисионарской и священической должностц. П. С-ак

Милосц Божа

(Приповетка)

Жил на швеце еден краль, котрому кралица зродзела дзвичатко красне червене як ружа. Краль ше барз радовал малому дзечочку, алъе ше бал бо му гуторел снар о ньей, же нье дожийе до того часу да ше ода, алъе умре од угриза гада. Же би ю зачувал од шмерци, краль дал направиц малку хижку зос скла. По розказу краля ніхто нье шмел исц до тей хижки осим краля. Краль вислуговал своей дзвичочки цо йей було потребно, док нье виросла на тельо да ше може чувац од напасци.

Уж виросла досц велька. Розвила ше зос ньей барз красна дзвичочка, но цо йей судзено нье мож од того сцекнуц. Раз пошол краль до виніци и принес йедну гризду грозна барз красну, хторей ше дзвичатко зрадовало. Вжала грозно до рукох и приношела гризду гу устом да одорве бобок, а гад цо бул скрити у гризи укушел дзвиче за гамбу и вона о даскельо минути умарла.

После того страшного случая нье було на жеми такого ньещешльивого человека як краль, бо вон ніч так нье любел як свою дзвичочку, хтору за одну минуту зосцигло таке ньещесце; но вон ше нье предал на очаянье алъе ше почал модльиц Богу и гвари: „Слава тебе Господи твоя воля“!

Уж було шицко готове за погребение (хованье) мертвого дзвичеца, и змиловал ше Бог над кралью и послал до ньго Ангела, обльеченого у худобних шматох як жобрaka котри принес у руки даскельо конарки сухого васильца, а у руки тримал скльенку живей води зос Йордана. Кед ангел пришол до двора кральового, двор бул у чарним опцагнуты зос поставом жалобним, а на хижи була чарна застава. Ангел пришол до кральови и питал од нього милостию за душу умершой дзвичочки. Краль ангела добре обдаровал и дозвольел му да идзе гу мертвому дзвичецу. Замочел васильец до Йорданской води попропел мертвے цело дзвичочки на криж и вона нараз станула здрава и весела як кед би лъем спала а нье умарла. И гвари ей Ангел:

„Дзвичочка, тебе осинила милост Божа! Я ангел, послани од Бога же би сом ци врацел живот. Модльи ше вирно Богу и нье бой

ше веций од гада". Дзивочка отворела уста и сцела дацо повесць но ангел стал ньевидими.


Дораз явельи кральови цо ше стало. Краль ишол до хижы да видзи свою дзивочку, котру вжал на свой перши оцовски и нъе знал од радосци до почац. Обецал верно Богу служиц а же би ше народ вшадзи дознал, казал величац Бога вшадзи, дал правиц церкви, манастири и школи, а краль найщешльившу старосц дожил. Одал дзивку за кральевича, которому придал свой кральевски престол, а потым на скоро умар. Млада кральевска пара щешльиво прежили свой вик.

Преложела М. Ш.

даровани од Лаврѣ зос образом Троеручици и Млекопитателници и пастирским жезлом.

У тим часу кед були у Сербії вельки нъемири, та тоти дари образи положили на осля и пущели ослят самого, нъихто го нъе ведол, а вон пошол на Святую Афонскую гору и станул пред монастирем Хиландаром, а як то увидзели иноки и игумен та принѣсли и положили образи Божіей Матери до Саборнаго храму..

У Саборним храму на правей страни клироса ест мраморная гробница, ту почивало тѣло св. Симеона. После пренѣшено до Сербії, зос того гроба виросла виноградная лоза



Сербскій монастыр Хиландар

На Святой Афонской гори, на западной страни, лежи монастыр Хиландар. Вон основани Архіепископом сербским святым Саввом у XII-м столѣтію, а у початку XIII-го вѣку.

У Хиландару служили Богослужение на славянском языку. Хиландар ма благодариц своему ктитору сербскому Кралю Стефану, Урошу, Милутину. Монастыр почал бистро проквитац од початку, бо у нъого стѣнах веций як штири мешацы жил Цар Стефан.

Соборни храм пошвечені в чест Введенія во храм Божіей Матери. У тим храму ше находза 5 чудотворни образи Божіей Матери. У тим числу и Троеручица була скорей у палестинской Лаврѣ Св. Савви Освященаго у келіи св. Іоанна Дамаскина. Вон ше преднюю модльел, а у XIII вѣку, кед пришол св. Савва Архіепископ сербскій на положеніе до Палестини по соизволенію Божію, пошол на поклоненіе и до Лаврѣ св. Савви освященаго а там бул св. Савва Архіепископ сербскій об-

и ест на ней грозна и то на вельки лѣки. Святини ище там ест: части животворящаго креста Господня, терноваго вѣнца, крови, трости и пелени Христово, част смирни из даров волхвових и частици мощей слѣдующих святих: Евтихія, патріарха цареградскаго, преподобнаго Симеона Столпника, Григорія Богослова, мученика Евстратія, Марини, патріарха Нифора, св. Пантелеймона, Прокопа, Исаіи и Іоанна Предтечи и других многих.

Окрем Саборного храма ест еще 10 праклиси. Богослужение совершається на славянским языком, по греческим напиву, а ест до 140 монахов.


Янко Сабодаш, Руски Керестур

Перши рок ше барз крашне явели предплатници, зато Православни Вистник и бул више зос сликами укращени. Зато такої на початку пошліце предплату..

Празднованье 20 р. освобожденія

У Дюрьове 25 XI з великим торжеством преславени дзень вишльебодзеня. Прослава ше почала зос св. службу и благодареньем у уніятской и у православней церквох. Затым у школи до поладня отримал школьним дзецим, родительм и народу предаванье о значеню дня учитель п. Бачкалич. Гуторел вон крашнє, прибрано, розумльиво. Дзеци свойо декламації серпски и руски виведли шмелю, разговетно. По поладню ше пред селом по зберали добровольцы, пожарники и други селянне на конъюх. Тота чета, на конъюх вошла до села по жабальским друме радосно штреляюци з пушкох. Пред собу ношили вельку заставу. Так симбolicно приказали як скорей

моцней вѣчней Югославіи. Храбра сербска войска, котра 1912 р. победѣла Турскe царство, тата иста побѣдоносна сербска войска 1918 р. розвальела згниту Австрію и розбила Централни сили. Кед роздарла фронт солунски и кед вишльебодзела Београд, зос славу овѣнчана сербска войска гнала пред собу нѣпріятеля на сѣвер. Так завжати Дюрьов и цала Войводина. Дюрьов так постал шльебодни югославянски Дюрьов. То що нашим оцом шылило, то що зме слухали же ше у народних пѣснох шпива, у приповедкох приповеда, и то що предавало з колъена на колъено, то ще на ивешкайши дзень скорей 20 роки уисцело, обистиньело, постало наш



Са преслави 20 р. освобожденія у Новим Садав

20 роки вошла сербска войска и ошльебодзела Дюрьов. Тоту коньицу пред општинским домом з виберанима словами радосци привѣтал п. о. Злоколица. За ным достал слово п. др. Будишин, р. Сакач Александр, опчин. лѣкар у Туріи, наш познати націонални дѣятель, заряш, подпретсѣдатель К.Н. Союза, котри громко, боево з чувством отримал народу бешеду. Нѣ мame тельо места да його бешеду напечатаме у цалосци. Прето його говор скращиме. У главним п. др. Будишин р. Сакач гварел:

Драги браца Дюрьовчанье! Як дюрьовчан и як б. воени добровольец мам чесц да вас привѣтам по поводу ньешкайшого торжества, и да вам адресуйем тоти даскельо искрени слова: Ми ньешка вельки дзень славиме. Ньешкайши дзень, то найрадоснѣйши дзень югославянской исторіи. Скорей 20 роки на ньешкайши дзень збуло ше ошльебодзене Войводини и обиедињене з Кр. Сербію до йедней йединственей держави, до ньедзельмей

тріумф. Прето вспомниме ньешка, же нас тата побѣда и тата свобода барз драго стала, драго зме до ней дошли. Борба траяла пейц вѣки и за ню зме дали наших найльепших синох. Вспомниме на приклад добружанских добровольцох, котри войовали, а у пушки мали шицкого 5 кульи. Значи же були слабо вооружени технички, алье у шерцох ношили волю, шмелосци и одлучносци, и вони як войско робели храбросци и чуда, же им ше цали швет чудовал. Вспомниме ньешка на примѣр и бранителюх Београда, котрим официре обявили росказ: „Герой! Вас Верховна команда витарла зос списка живих. Ви ту мушице остац, ньепріятеля на београдских мурох затримац, да остале войско може отступиц и поцагнуц ше...“ Геройи, див-юнаки ше покорели ньеумитней, ньеумолимей судбини, свою задачу геройски виполньели, ньепріятеля затриами, борели ше док нье вигинули. Так за 5 вѣки вигинули миліоны геройох-юнакох. То значи же терашня держава Югославія нѣ

постала случайно, него ѹе створена з муку и креву народну! До темельох тей держави замуровани косци див-юнакох, а фундамент цементирани з их геройску креву. Прето у тим нашим селу у милим Дюрдьове ные треба да будзе и ные шме да будзе аньи еден Сербин лебо Руснак, котри би мог подумац же тово тедишнє положеніе и ситуація же би и иншак могло буц. Так ные шме думац аньи еден Дюрдьовчан аньи у найскритшим цим кутку души своеї, аньи теди кед го нъихто ные видзи, ные чуйе, ные контролира. Чувайме тово драгоцене нашо національно нашльедство, нашу шльебоду и нашу общу державу и Бог нам будзе на помоци. Будзме достойни синове велького по духу народа, котри випольньел свою исторійску задачу и створел тоту нашу терашню державу Югославію. Ми нъешка по цалей держави манифестуйеме же ми еден, йединствени народ, свестни, сознательни, шльебодни народ, а наша Югославія же моцна, шльебодна, вѣчна. Най ше то чуйе и поза граньци нашей держави, же граньци Югославія з креву створени, и же ше на други способ меняц ные можу. За нашо техничке наоружанье водзи бригу наша держава а душевне вооруженіе водзиме бригу и сами. Вспомниме нъешкайши дзень и легендарного воўводу и терац еще живого Косту Петянца котри с помоцу шицкого 5 своих нъеустранивих другарох комитох под конъец европейской войны заробел 2 германски полки, бо то приклад же: „Бој не бије свијтло оружје, вѣћ бије срце у јунака“.

Почим у Дюрдьове ѹест и Сербох и Русинох то будзме об'ективни, справедльиви и признаіме же шицки тоти сверхчеловѣчески надчовечански напори и напряженія и жертви, котри сербски народ прынес на олтар отечства, може буд би ные були довольни и ные дали би жадани результати, плоды — да Сербія ные мала и союзниках. Союзники, а у першим шоре русске войско, допринесли свою лавовску, львинную часть, да ше югославянски народ ошльебодзи. Велькорусси мали у тим пресудне слово и участ. Тоти дюрдьовски, бачки Русини, то една частица, ѹеден конар того велького русскаго чарода. Прето Серби и Русини у Дюрдьове треба знова да себе братски счишнюю руки и да ше и у будущности меркую як браца и да сложно робя на тим, да ше тово село унапредзи, росквиѣтнє и досцигнє благосостояніе за шицких. Тако нам Бог помогао! А терац кликнеме громко и сложно:

Най жіе Е. В. Король Петр II!

Най жіе светлій Королевскій дом, на зодней династії Карадъордьевичей!

Най жіе наше храбре войско!

Говор п. др. Будишина національно наэлектризовал шицких. П. др. Будишин дзвигнул нам чесц, шицким Русином и ми ше пишими же нам го Бог такового дал.

Вечар отrimана удачна академія, за цо дзекуйеме п. тг. Отичови и сербским учительем. Чкода же русски учитель и дзеди ные участвоволи з русску пѣсню и танцами, та би веций русской публики пришло. Бругаш

„Прадіовска вира“ у швитлу історії

У брошурі под таким насловом силовал ше Владика Крижевачки да докаже: же Восточна церква до 1054 року признавала папу за видиму главу Христовей церкви, же св. Владимир пріял римску виру, а шицко му то требали да докаже же и ми Русини римокатолици а да би то доказал написал цалу историю хтору потвердзовал зос своима вlossenім доказамі, хтори за явносц вредза *кельо и нула*. Дзе булі докази на хасен православія як у летописца Нестора, вон гвари же то уш додате познейше и так свойевласно йедни докази побива, а други *сам дава*. Кед би да

~~да~~ ~~сцел~~ ~~крутилася~~ ~~з туту~~ брошуру, мушел бы написац веќшу кнішку, як тата, зато вам напишем лем о найглавнейшим неправдох у тей кніжочки, а кед вам паднє до рукох, та тоти неправди дорас увидзице, гоч цала брошурা вешто езуитски писана и кажда правда вешто облечена до неправди як месо до капустового лісца. Да ше не удалім од теми прейдзем на саму ствар. Да видзиме чи Ісус Христос охабел первенство дакому од апостолох и хто бул од апостолох глава? По вознесеню свойому, Господ охабел церкву на апостолох и вони управляли так як Вон заповедал т.и. шицки мали йеднаку власц а не як би то владика сцел же Петро достал первенство бо да Петро достал первенство та би го и апостоли тримали за первого, а хто преши медзи апостолами! Кед апостол Юда одпаднул од апостолства, апостоли ше зобрали и зос коцку выбрали нового апостола Матію, а да Петро бул заменик Христов та би вон сам одредзовал. Затым на першим апостолском сабору у Йерусалиму, кед ше зишлі апостоли да ше доредза чи треба да ше нъезнабощи обрезую кед примаю Християнство чи не, бул председник тога сабору найстарши апостол Яков (XV, — 19 діл. ап.) а не Петро, а и за патріярха Христовей Йерусалимской церкви бул выбрати Яков, а Петра други апостоли послалі до Самаріи да илзе там научовац (Діл. ап. VIII, 14) Дакле ту ше ясно видзи же ше Петро повиновал

другим апостолом цо значи же нъебул глава церкви бо би вон заповедал. Апостол Павло пише у посланици Ефесцом же Христос глава церкви (5 гл. 23 ст. цо би значело же вон научуе пропив Хрисша, а Павло гаври „хто ишиак наказује як ми, прокляти нај будзе“ (Галат. I 8—9 ст.) зос того виходзиме же хто не призна Христа за главу церкви тот прокляти. Твердзене писателя „Прадъ. Вири“, же шицки апостоли признавали Петра зи главу церкви очигледна непрвда и видумка писателя бо ап. Павло гвари у посланицы Галатянам (I, 11, 15 ст.) же його апостольство зошицким нёвисне од других апостолох и же його наука права бо му є дата просто од самого Иисуса Христа. У посланицы Ефесаном (IV. 11) и Коринтянам (XII. 5—11) спомина ап. Павло шицки служби и чини у церкви, а первенство Петрово нігдзе не споменуте цо би мушело буц бо би то бул найстарши чин у церкви и то би так випатрало як да дахто вименуе чланох влади, а да забудзе споменуц председника влади, цо йе у ствари невозможно. И ещи на веліх местах, котри нёмош ту винесц пре опшироносц, стойи же апостоли були ровни медзи собу и же ані подумац нё моглі же би требадо Петра признац за главу церкви, бо о тим ані ~~за~~^{на} ёдним единим месце у Евангелиі нет споменуте, бо Евангелію писали апостоли, та нёмоглі ёдно писац а друге робиц. Друге твердзене же на шицких васеленских соборох председавал папа и же папу признали и восточни патріярхове ещи вешка спревоцка як перша. Правда, призналі го як патріярха, але нё за намесника Христоваго и Петроваго, бо ані на ёдним месце у Евангелиі нет написане же Петро бул у Риме и лем предане гутори же там бул, але церкву вон не основал у Риме але Павло (та вон требад буц там и владика.) У посланикох цо писал ап. Павле Римляном поздравля вельзох хриштонах, а о Петрови ані не спомнул, цо значи же вон там нёбул. Дакле нет нігдзе доказане же ап. Петро бул епископ у Риме, па нёмогол ані там охабиц свойого заменика, котри може буц лем Таліян, и святы оцove нёдавалі нігда векшу власц римскому Патріярхови як цо ю сами малі, бо да му давалі та би вон як глава зволовал собори до Риму як цо то зробел кед ше одорвал од восточнай церкви, а нё булі би васеленски сабори на востоку.

Папа нё присутствовал ані на ёдним сабору, але посыпал своим заменікох котри на Халкідонским сабору потписали одлуку сабора же папа ровни зос шицким патріяр-

хами и же хто дода дацо ученю св. отдох або символу вири тот будзе прокляти, а римска церква преступела обида решеня. Па к кед би ше могло претпоставиц же восток признавал папу як главу, наклада се саме питане прецо ше вецей як половка хриштонах одрекло папи. Кед ше по писаню владиковим восток отаргнул пре власц, прецо же ше отаргли лутеране, кальвіни, старо-католици и вельо мільйони тих котри признавали папу и после одвяня восточнай церкви, па заш чом Енглези основали свою церкву котра нё признала папу кед нё пре то же видзели же католичка римска церква страцела благодат Божу и же неправедно присвяя первенство.

Цо ше одноши на руски народ яку вон виру пріял за св. Владимира ту будзем ещи кратши бо риختам опширу критику на цалу „Прадъидовску Виру“ и льем тельо повем, же писатель твердзене летописца Нестора рахує за недобре, бо там пише же Владимир пріял виру од Цариграду т. й. православну, и бере як тачне свойо думане, же Владимир пріял виру од папи. Пристаньме и на то и владикови поставиме питане: же кеди вец руски народ одруцел папу кед нё шкэ цали руски народ православни, лем ёдна мала часточка под прициском мадяронох (за пенежы) признала папу? Розуми же же ми як гарсточка велького руского народу, пріяли православну виру, але нас несовисни людзе запредали па ше и тераз стараю да нас цо далей удаля од православней вири и руского народу цо мал намирене и тот писатель кед писал „Прадідовску Виру“. о. М.

Редакция Православного Вистнику овла-
сцуйе зберац предплату слідуючым особом:

За Коцур	о. Михаил Шарик
„Керестур	Янко Сабадаш
„Вербас	Янко Кишючас
„Миклошевци	о. Киприян Релич, парох
„Рит	Петро Мамчак
„Н. Дубраву	о. Григорий Прекраснов, парох
„Хрвачани	о. Василь Стрильчик, парох
„Обилић	Дане Хромиш
„Винковци	Марко Шарик
„Нови Сад,	Андрій Шарик и Мих. Мудри
„Петровци	Бурчак Михал
„Турия	Др. Ал. Будишин
„Дъурдъов	Янко Хромиш
„Госпођинци	Янко Солонски и Янко Чизмар

Овлаштени особи най посилаю предплату на атрес: **о. Янко Виславски, редактор Православ. Вистника, Госпођинци.**